

CUSTOS (Pierre), notaire de Villemur, Villemur-sur-Tarn, minutes 1671, f° 293 & ss., Archives départementales de la Haute-Garonne cote 3 E 21850, PH/JCHR/8776.

ii. c iiii. ^{xx} xiii.

(...)

Reconnaissance, blaquiere, pendaries

**L an mil six cens septante un & lé
trantiesme** jour du mois d **octobre** après
midy regnant louis &a pardevant moy

.....

notaire dans ma boutique a villemur &a
estably en personne **jean pendaries
vieux fils a feu** autre **jean dict tilla
laboureur** du lieu de labejau consulat du
born viscomte de villemur, lequel de gré
a receu illec reallemant en deux louis d or
escus blancz de trois livres piece et autre
monoye courant au veu de moy dict notaire &
tesmoingz de **jacques blaquiere filz** et
coherettier **de feu geraud tisseran de** la
parroisse de **saint angel** baronie de
salvagnac son nepveu tant de son chefz
que comme ayant le droict acquis pour
la moitie des biens et droicts ayant
appartenu a **guilhalmette blaquiere sa soeur
femme de pierre cassenac** du lieu de **varenes**,
& de **raymond rousset dict ponchaut
laboureur** de ladicte parroisse tant en qualitté de
mary et conjointe personne de **jeanne blaquiere
sa femme** que d acquereur aussy de l()autre moitie
des biens et droictz de ladicte guilhalmette
blaquiere conjointement avec ledict **jacques**

.....

ii. c iiii. ^{xx} xiiii.

blaquiere son beau()frere rezultant de **contract**
rettenu par moy dict notaire le **vingt septiesme
decembre mil six cens soixante quatre**
stipulans et acceptant la somme de
quarante six livres t(ournoi)z pour reste et fin de
de paie tant de la moitie de la constitution
doctalle ou intherest d icelle que ledict
**feu geraud blaquiere pere du dict jacques
et beau pere dudict rousset** en qualitté
de coherettier de **feu jean blaquiere son**

pere faisoict reste a **marie blaquiere**
sa soeur femme dudict pendaries &
qu appert des **pactes de** leur **mariage**
rettenus par deffunt m(aîtr)e ysaac regis
notaire royal de verlhac tescou lé
troisiesme de febvrier mil six cens
quarante huict, qué pour la somme
de vingt livres leguéé par **feue guilhalmette**
delfaur a ladicte marie sa filhe par
son **testamant rettenu** ainsy qu()a esté dict
par feu m(aîtr)e pierre pradier no(tai)re de salvagnac

.....

les an et jour y contenus, de laquelle somme
de quarante six livres pour reste de la
moitie de ladicte constitution doctalle ou
intherest d icelle que legat led(it) pendaries
se contente, en a()quittés et quitte lesdicts
blaquiere et rousset es dictes qualittés
promis et promet qu()il ne leur en sera
rien plus demande pour ce quy les compette
& a consanty et consant a la cancellation
et resollution desdictes pactes de mariage
et testamant a leur esgard en cé que portent
debte de l un et de l autre au surplus dem(e)urant
en leur force, rezervé par ledict pendaries
ce que jacques blaquiere son beau frere
luy peut rester de sa part de ladicte
constitution sy a ledict pendaries,
recogneu et assigné recognoist et assigne
d icelle somme de quarante six livres
la somme de trante livres tant s(e)ullemant
a ladicte marie blaquiere sa femme
stipulante et acceptant sur tous et chacuns
ses biens presans et advenir pour

.....

ii. c iiii. xx xv.

luy estre randue et restituéé ou autres a
quy il appartient le cas y escheant
avec le droict d augmant suivant &
conformemant asd(its) pactes de mariage,
ayant rettenu les seize livres pour parfaire
icelle somme de quarante six livres
pour les intherestz que luy estoict deubs
d icelle obligeant a ces fins ledict
pendaries tous sesdicts biens qu'a
soubzmis aux rigueurs de justice & l()a
juré presans jean bousquet marchant

francois delmas maistre masson &
guillaume redoulousse sergent a villemur
signés avec moy notaire les parties ont
dict ne scavoir

Bousquet

Delmas

Redoulousse

Custos, not(air)e